

■ FORUM ELECTORAL EN LA QUOTIDIANA – ELECZIUNS DAL CUSSEGL NAZIUNAL 2015

# Ils Verd-liberals dal Grischun

Ils verd-liberals èn l'unica partida liberala che s'orientescha tenor aspects ecologics. Nus vulain laschar enavos a las generaziuns sequentas in ambient intact cun al nizzegiar senza explotar. Quest princip ha consequenzas cunzunt per nosssa tenuta envers la politica economica e la politica d'nergia: quellas ston sa cunfar cun la politica da l'ambient. Nus vulain crear kundiziuns da basa che garanteschin ina relaziun responsabla cun nossas resursas nataralas. Nua che l'economia da martgà libra u sociala na fa betg quai, ans engaschain nus per mesiras directivas. Exempels èn ils



pretschs d'energia, nua ch'ils ristgs ed ils custs da donns da l'ambient n'èn betg inclus en ils pretschs da products energetics fossils. U la planisaziun dal territori:

sch'ins surlaschass il terren al martgà liber, dessi en Svizra ina cuntrada cun abitadis sparpagliads cumplettamain e pauc concentrads. L'agricultura vegniss chatschada enavos en las regiuns muntagnardas, zonas industrialas na fissan betg pli realisablas en lieu d'abitar attractivs. Qua dovri mesiras di-



Candidatas e candidats da la partida verd-liberala dal Grischun, da san. **Walter von Ballmoos, Aline Tannò, Josias Gasser, Ursula Leutbold, Christian Stricker.**

MAD

rectivas che curregian quai. En general ans engaschain nus però per in'economia tenor las reglas dal martgà liber e sustegnain perquai la reducziun d'obstachels birocratics ed

il svilup da las cunvegns bilaterals cun l'UE. Quai che riguarda la politica sociala esan nus liberals: nus considerain la libertad e l'atgna responsabladad dal singul sco ina pit-

ga da nosssa democrazia ed ans dustain cunter mintga restricziun inutila da la libertad. Cun restricziun inutila èn manegiadas le- schas che limiteschin nosssa libertad e che

han in niz disproporziunà en quel connex. Exempels èn la regulaziun da las uras d'aver- tura dals negoziis u il tractament divers da dif- ferentas furmas da partenadi. Nus mettain però era cunfins a nosssa democrazia: ils dretgs umans ed il dretg internaziunal n'èn betg suttaress ad ella. Els èn innegoziabels. La Svizra è dependenta da l'immigraziun per pudair crescher vinavant cun in'occupaziun cumplaina. Da l'autra vart ha l'immigraziun era consequenzas negativas. Nus vesain il connex tranter la Svizra sco plazza economica attractiva, la creschientscha economica che quella ha per consequenza e l'immigra- ziun. Nus avain ina tenuta negativa envers receipts d'isolaziun populistics e nunrealis- tics. Ils moviments da fugitivs ston ins prender per mauns a la ragisch: en ils pajais d'ori- gin cun in agid al svilup efficazi, cunvegns da commerzi gistas e promoziun da la pasch.

**Noss slogan: rinforzar l'economia – proteger l'ambient – votar per il futur**

La partida verd-liberala (pvl) dal Grischun è vegnida fundada il 2008 e dumbra oz 6 sec- ziuns. Ella ha cun *Josias Gasser* in cusseglier nazional e cun *Jürg Kappeler* e *Walter von Ballmoos* dus deputads en il Cussegl grond. Il president da la partida è *Christian Stricker* da Tavau.